



Diahuebs 28 December 2023

Email: IslaOnline@gobierno.aw Tel: 528-4952





BON PASCO
y Feliz 2024



Evelyn Wever-Croes
PRIME MINISTER



DANKI NA TUR CIUDADANO DI PAIS ARUBA

Minister President Evelyn Wever-Croes, reflehando riba aña 2023, ta gradici tur ciudadano di nos pais pa bo contribucion valioso na progreso di nos pais.

Aña 2023 a mira un crecimiento di turismo y di economia impresionante, y esey a crea miles di cupo di empleo pa mama y tatanan di famia.

“Esaki ta danki na e forza y resiliencia di cada ciudadano, cu tur dia ta traha duro pa hiba su famia y nos pais padilanti. Aña 2023 ta e aña di union y positivismo, y ta e union aki ta nos forza. Esaki ta e logro mas importante di Aruba e aña aki.

Danki tambe pa e confiansa di por a guia nos pais durante e ultimo 6 añanan y danki pa e sosten.

Cu aña 2024 trece pa cada ciudadano di nos pais prosperidad y felicidad”

FELIZ 2024

GABINETE WEVER-CROES NO TA ESUN CU A DUNA TERENO NA IBEROSTAR PA CONSTRUI UN HOTEL NA EAGLE BEACH

Ya desde 2005-2008 Iberostar a cumpra 3 proyecto cu tereno

Prome Minister Evelyn Wever-Croes, riba comentaronan recién den media tocante un hotel na Eagle Beach, a duna di conoce cu Gabinete Wever-Croes no ta esun cu a duna tereno na Iberostar ni permit pa construi un hotel den e area aki. Prome Minister a indica cu ya desde 2005 pa 2008, e tereno en cuestion y e proyecto, a bira doño di Iberostar hunto cu dos otro proyecto cu tereno.

Iberostar, Prome Minister a remarca, ta un caso hopi particular. Iberostar a cumpra tres proyecto di hotel cu ya caba tawata tin tereno desde 2005 pa 2008 bin dilanti. Un tereno ta situa na Tierra del Sol, un situa patras di Eagle Beach y e ultimo, na Eagle Beach na unda e construccion actual ta tumando luga.

Prome Minister a duna di conoce cu Iberostar semper tawata dispuesto pa sinta na mesa cu Gobierno na unda cu Gobierno a splica nan cu Aruba no por carga tres hotel mas na e momentonan aki. Teniendo cuenta cu esaki, Iberostar a bay di acuerdo pa baha e cantidad di cambernan y construi menos camber di loke nan tin derecho riba dje. Iberostar a bay di acuerdo tambe pa no construi tur tres hotel pareu pero ta parti e construccion temporisa den tempo.



Nas ta un pais
AMABEL Y CORDIAL



**BON PASCO
y Feliz 2024**



Endy Croes
MINISTER

MINISTER ENDY CROES A REUNI CU ATA UNDA A TRATA E PROYECTO DI SPORT TOURISM

Siman pasa, Minister Endy Croes hunto Sr. Juni Faro di Ministerio di Deporte a reuni cu Sra. Ronella Croes, Sra. Tita Iglesias y Sr. Patrick Melchoir di Aruba Tourism Authority (ATA). Durante e reunion a trata diferente punto di interes y e proyecto Sport Tourism. Pa e proyecto aki ATA, Lotto pa Deporte y Gobierno di Aruba lo traha di cerca pa asina duna contenido real na e vision di turismo deportivo (sport tourism) na Aruba pa aña 2024. E deseo y vision di Minister Endy Croes ta pa dos (2) bes pa aña organisa un campeonato internacional na Aruba. Tin un comision cu lo scoge e eventonan deportivo cu lo tuma luga den "low season", esta den e luna di mei, september y/of october.

ATA, Lotto pa Deporte y Gobierno di Aruba lo aloca e fondonan necesario pa asina realisa e proyecto aki dos (2) bes pa aña. Durante e encuentro a trata e prome dos (2) eventonan deportivo pa aña 2024. Un di e eventonan deportivo cu tin hopi interes ta tuma luga fin di october y/of november di aña 2024, unda cu Seleccion di Hulanda ta competi den e torneo internacional Premier 12. Den e torneo internacional aki e 12 miho ekiponan di WBSC lo bataya contra otro pa conkista e titulo maximo. Manera ta conoci, cada cuater (4) aña tin e World Classic y cada dos (2) aña tin e campeonato unda cu e 12 miho ekiponan lo hunga un serie hopi popular contra otro.

Seis ekipo ta cuminsa hunga na Mexico y seis ekipo lo hunga na Taiwan y e ekiponan ganado lo enfrenta otro den e final. Seleccion di Hulanda ta forma parti di e 12 ekiponan aki. Na luna di januari via "loting" ta determina unda Seleccion di Hulanda ta hunga, sea Mexico of Taiwan. Prome cu ekipo di Hulanda



sali pa competi den e campeonato internacional aki, nan lo bin Aruba pa hunga tres (3) wega. Lo prepara e ekiponan y lo invita ekiponan di afo pa bin hunga contra Seleccion di Hulanda aki na Aruba, pa asina nan por prepara debidamente prome cu nan drenta den e torneo. Adicionalmente, tin un otro proyecto pa luna di september, den e lunanan nos dilanti lo elabora mas riba dje. Tambe Minister Endy Croes a elabora riba e proyecto di "Sport and Event Management" cu lo inicia na luna di maart proximo. Recientemente, den luna di november Minister Endy Croes a firma un acuerdo cu University of South Carolina unda cu e curso di Sport & Event Management lo inicia riba e nivel di "Master's". Un total di dies (10) persona tin e oportunidad pa sigui e curso aki y na final lo ricibi un certificado.

E team aki den futuro lo yuda tur organisacion na Aruba cu bin na remacra pa organisa un evento internacional. Tres y/of cuater di e personanan aki lo forma parti di e organisacion pa yuda organisa evento riba plataforma internacional. ATA tambe lo delibera pa manda posibel candidato. Pa conclui, un bon reunion y Minister Endy Croes ta contento cu pronto lo mira fruto positivo di e reunion aki.

Minister Endy Croes:

EN CUADRO CU HENA EXPO, A REUNI CU E REPRESENTANTENAN DI UNIVERSIDAD DI MERCA Y CANADA PA CREA MAS OPORTUNIDAD PA NOS STUDIANTENAN

En conexion cu 2023 Higher Education North America (HENA) Expo cu a tuma luga den inicio di december na Hyatt Place Aruba Airport, Minister Endy Croes a reuni cu representante di Bishop's University, Colorado State University y Saint Mary's University. E meta principal di e reunionnan aki tabata pa crea mas oportunidad pa nos studiantenan di Aruba cu ta desea di continua nan estudio na Merca of Canada. Manera ta conoci, HENA Expo tabata un exito total. Un total di 400 estudiante a acudi na e expo aki pa busca informacion y haci pregunta encunto estudio na Merca of Canada. Minister Endy Croes ta indica cu por logra hopi ora cu ta traha den ekipo, aplicando e 4 C-nan di Siglo 21: comunicacion, colaboracion, pensamiento critico (critical thinking problem solving) y creatividad. Pa finalisa, e mandatario di Enseñansa ta expresa cu ta sigui crea conexion cu diferente college y/of universidad di Merca y Canada pa asina sigui brinda mas oportunidad na nos studiantenan di Aruba.



MINISTER ENDY CROES TA FELICITA REBECCA CROES CU A TITULA CAMPEON MUNDIAL DEN WORLD BENCH PRESS CHAMPIONSHIPS 2023



Diaranson ultimo, Minister di Enseñansa y Deporte Endy Croes a ricibi bishita di e hoben atleta Rebecca Croes di 22 aña di edad cu actualmente ta studiando nutricion na Haagse Hogeschool na Den Haag, Hulanda. Rebecca a participa den World Bench Press Championships 2023 den e categoria di Women Junior Classic di 53 kg y a sali campeon mundial. Rebecca tin 3 aña cu ta competiendo den World Bench Press Championships. Esaki ta e di 7 campeonato anual cu a tuma luga den e luna di mei na Sun City, South Africa. Un total di 57



participante di edad di 19 pa 23 aña a competi den e categoria di Women Junior Classic, 43-57 kg. Durante e encuentro ameno, Minister Endy Croes a entrega Rebecca un medaya di oro pa su contribucion den e desaroyo di deporte.

Finalmente, Minister Endy Croes ta felicita Rebecca cu e titulo aki y ta dese'e hopi exito den futuro cu tanto su estudio y futuro competencianan deportivo. Aruba ta orguyoso di bo! Cu deseo, disciplina, determinacion y dedicacion ta logra.



Ministerio di Enseñansa y Deporte

UN FELIZ Y PROSPERO AÑA NOBO!

Cu e Aña Nobo aki bendiciona bo cu
tur deseo di bo curason y cu e trece
salud, amor y alegria pa bo y bo famia.

Endy Croes

Minister di Enseñansa y Deporte

Endy Croes



BON PASCO y Feliz 2024

Nos ta cerando un año cu ta testigo di nos determinacion inkebrantabel. Nos a para firme y resiliente contra adversidadnan cu a purba kibra nos. Den e temporada di celebracion di e ultimo dianan di año 2023, laga nos refleha riba e lasonan cu ta uni nos como un pueblo. Cada reto, cada desafio, cada atake, solamente a fortalece nos determinacion pa supera y reconstrui. Nada por a kibra nos y den 2024, laga nos sigui uni pa hunto nos enfrenta cualquier obstuculo cu sali den nos caminda.

Gobierno di Aruba ta extende deseonan caluroso pa un Bon Pasco y un Año Nobo di union inkebrantabel y triunfo.



Nas ta un pais
INKEBRANTABEL

